



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. V. De Impedimentis non apponendis observantiæ Præceptorum.

**urn:nbn:de:hbz:466:1-40673**

## ARTICULUS V.

De Impedimentis non apponendis obseruantiae Præceptorum.

- I. Diversimode quoad hoc in diversis præceptis ratiocinandum; inspiciendo num præceptum rigidius obliget? Num impedimentum sit proximum? Num necessitas sit gravior?
- II. Quanam defatigatio incompossibilis cum jejunio liceat ipso die jejunii, aut pridie illius dici?
- III. Num tempore Interdicti privilegiarius teneatur sacram audire? Et detenus in carcere num teneatur nisi licentia egrediendi ad sacram audiendum?
- IV. Quandonam possit quis iter arripere prævidens, quod non possit deinde die festo sacram audire?
- V. Tenetur excommunicatus tollere impedimentum excommunicationis, ne possit in Paschate communicare; non tamen ut possit die festo sacram audire.
- VI. Præceptum non solum obligat ad non apponenda impedimenta, sed etiam ad ea etiam pridie removenda.

I. **Q**uæritur, An possit quis licite ponere impedimenta, quibus præceptum implere non possit? Verbi gratia, an possit quis die jejunii licite vacare saltui, venationi, equitatui, &c., itaut ratione lassitudinis non amplius obligetur ad jejunium?

Respondeo cum Sanch. lib. 1. cap. 15., Merol., Pal. de Legibus, non posse eandem regulam in omnibus præceptis assignari: Aliqua enim præcepta obligant rigidius, ut præceptum audiendi sacram; Aliqua benignius, ut præceptum jejunandi; Ruribus aliqua impedimenta sunt magis proxima; ut projectio breviarii; Aliqua magis remota, ut quando iter incepsum im-

pedit jejunium; vel auditionem misera: Aliquando etiam apponitur impedimentum ex majori necessitate, vel utilitate, aliquando ex minori; Et id eo in diversis materiis diversimode discurrendum, itaut in præceptis, quæ benignius obligant, possit licite apponi impedimentum vel remotum, vel ex gravi necessitate proximum: In præceptis vero, quæ obligant rigidius, non possit ponи impedimentum proximum, vel remotum ex levi necessitate. Quod clarius apparebit discurrendo in aliquibus materiis contoyeris apud Doctores.

II. Primo itaque nonnulli cum Medin. apud Sanch. contra communiores opinionem docent, non peccare contra præceptum jejunii, qui libere se conjicit in impedimentum illius eadem die jejunii; Verbi gratia, si quis defatigetur venando, ludendo, querendo concubinam, &c.; dummodo haec non fiant in fraudem jejunii, ut notat Bonac. disp. 2. quæst. 8.; quia scilicet præceptum jejunii tantum obligat, ne per se, & ex intentione fiat opus ipsi incompatibile. Verum communius cum Lessl., Laym., Trull. lib. 1. in Decalogum cap. 2. dub. 7. docent, ea tantum licere tempore non multum proximo ipsi diei, quo præceptum urget; verbi gratia, si quis die antecedenti defatigetur venando: Quamvis Trull., & Ledesm. excusat eum, qui semel, vel iterum assumit pilæ ludum, exempli gratia, vel venationem, licet prævideat eodem die non posse jejunare; quia scilicet præceptum jejunii non videtur obligare cum tanto rigore ad abstinendum ab iis actionibus honestis.

III. Secundo dubitatur a Doctribus; An habens Bullam Cruciatæ concedentem privilegium audiendi Sacrum tempore interdicti localis teneatur illud eo tempore audire?

Negant Avil., Con., Dian. part. tract.

tract. 2. refol. 2., quia nemo cogitur ut suo privilegio. Sed probabilius affirmant Suar. , Medin. , Lug. de Euchar. disp. 22.; quia præceptum obligat , quoties non habes impedimentum legitimum , seu quando potes ; sed qui habet privilegium audiendi , potest audire ; ergo tenetur : Sic uic qui in carcere detenus habet licentiam a judice adeundi Ecclesiam ad Sacrum audiendum , tenetur illud audire .

IV. Tertio ex Pal. , Sanch. , Tambur. lib. 4. cap. 2. §. 3., potest aliquis tempore remoto a die festo implicare se in aliquo negotio gravi , vel in aliquem locum distantem ab Ecclesia discedere , puta navigare , etiamsi eo fine id faciat , ne teneatur audire sacram ; quia tunc præceptum non obligat , nec est in proximo , ut obliget ; Unde potius esset effugere præceptum , quam ponere impedimentum præcepto ; Non secus ac qui ad finem non jejunandi vel recedit a loco , ubi obligat præceptum jejunii , vel petit dispensationem : Contra vero non potest quis eodem die festo , vel tempore proximo ponere libens hujusmodi impedimenta ad sacrum audiendum ; quia qui obligatur ad finem , obligatur ad media , & ad non ponenda proxima impedimenta fini aſsequendo : Quare si quis vellit venatum ire paucis horis ante medianam noctem Sabbati , prævidens , quod die dominico non possit audire sacram , peccat : Si vero venatum iret die Sabbati mane , probabiliter non peccat ; quia præceptum audiendi Sacrum die dominico tunc non proxime urget , nec videtur tale præceptum tam rigide obligare ad tollenda impedimenta non adeo proxima .

V. Quarto , docet Tambur. in Meth. Commun. cap. 4. §. 4. num. 31. ex Suar. , Avil. , Lug. contra Henr. , quod excommunicatus teneatur tollere im-

pedimentum excommunicationis , ut possit in Paschate communicare : E contra detenus in carcere non tenetur procurare excarcerationem , nec infirmus procurare sanitatem , ut possit eo tempore communicare . Disparitas est , quia excommunicatio directe , & per se obstat impletioni talis præcepti ; carcer vero , & ægritudo obstant per accidens : Cum autem confessio , & communio maxime conferant ad salutem animæ , obligant ad removenda ea , quæ directe illis opponuntur , non vero ad removenda mala temporalia , quæ impediunt per accidentem . Quod constat a posteriori . quia qui sunt timoratae conscientiae non multum sunt solliciti de procuranda excarceratione , & valetudine ad hunc finem , ut possint in Paschate communicare ; Quamvis ex vi hujus præcepti teneantur tollere impedimenta voluntaria ; verbi gratia tenentur non se vulnerare , inebriare , &c. Necnon impedimenta involuntaria , quæ facile tolli possunt , verbi gratia si facile ab amico posset obtineri excarceratio .

Quinto , ex Azor. , Dicast. , & aliis notat idem Tambur. , quod excommunicatus non teneatur procurare absolutionem ab excommunicatione , ut possit audire sacram die festo ; teneatur vero , ut possit communicare in Paschate . Disparitas est , quia præceptum communionis rigidius obligat ; tum quia est Divinum quoad substantiam ; tum etiam quia præcipit res majoris momenti : Si quis tamen esset negligens in procuranda absolutione ad eum finem , ne teneatur audire sacram , procul dubio peccaret .

VI. Sexto communiter apud Sanch. loc. cit. docent non solum non posse apponi impedimentum præcepto , sed etiam ex vi præcepti deberre illud tolli die præcedenti ; unde aditus tenetur templum verrere , al-

taria

taria ornare, hostias confidere pridie festi, ne ipsa festi die laboret.

## ARTICULUS VI.

De Ignorantia, Metu, & Dispensatione excusantibus a Præceptorum transgressione, ac de Impotentia excusante.

- I. Ignorantia præcepti, seu inadvertentia, si non sit graviter culpabilis, excusat, a gravi culpa legis transgressorem.
- II. Ignorantia vincibilis dividitur in affectatam, crassam, seu supinam, & levem. Præter ignorantiam vincibilem, seu consequentem, & invincibilem, seu antecedentem, datur ignorantia comitans, sive ea sit juris, sive facti, sive solius pœna.
- III. Ignorantia solius pœna excusat ab illa incurrenda, si hec sit extraordinaria. Ab ea tamen non excusat ignorantia crassa, supina, & affectata.
- IV. Ejusdem speciei est peccatum commissum ex ignorantia culpabilis legis, ac scienter commissum.
- V. Ignorantia, qua est graviter culpabilis respectu juris Divini, & Naturalis, aliquando non est graviter culpabilis respectu juris humani, quod non obligat adeo stricte.
- VI. Ignorantia etiam crassa pœna non petendi debitum excusat ab ea incurrenda, utpote imposta contra scienter operantes.
- VII. Metus gravis non excusat a culpa, quando prohibetur res intrinsece mala, aut præcipitur res ex se connexa cum vita periculo; secus vero si connectatur per accidens.
- VIII. Excommunicatus vitandus potest ad mortem declinandam celebrare; non tamen confessiones audiare, & absolvere.
- IX. Num liceat ob metum gravem si-

mulare Matrimonium, illudque consummare?

X. Num Carthusiani teneantur vesci carnibus in extrema necessitate?

XI. Qui non potest totum præceptum implore, tenetur ad partem, quam potest, si ea sit notabilis, & divisa, & censeatur a Legislatore intenta.

XII. Quandonam dispensatio obtinet excusat a præcepti transgressione?

XIII. Num possit Episcopus in lege Pontificia dispensare in casu occurrenti, sive quia necessitas urget, sive quia dubitatur, an res indiget dispensatione?

1. **Q**uartitur primo; An ignorantia præcepti excusat a culpa transgressorē?

Respondeo, tam ignorantiam, quam inadvertentiam, seu oblivionem sive juris, sive facti excusare a culpa gravi; dummodo ignorantia non sit crassa, vel supina, vel affectata, vel notabilis, seu graviter culpabilis. Ita communiter cum D. Th. 2. 2. quest.

76. Ratio est, quia quicquid omnino est involuntarium caret culpa; Atque ignorantia invincibilis, si sit facti, reddit actum simpliciter involuntarium; (ut si quis volens occidere feram occidat hominem) Si vero ignorantia sit juris, reddit actum involuntarium, inquantum malum est, & prohibitum; ergo per talēm ignorantiam tollitur omnis culpa: Si vero ignorantia sit culpabilis, procul dubio culpa non vacat; & quidem gravi, si ignorantia sit crassa, vel supina, vel affectata, vel notabilis.

Notandum itaque, ignorantiam dividit in Invincibilem, & Vincibilem. Ignorantia invincibilis (qua etiam dicitur inculpabilis, justa, probabilis, antecedens) dicitur, quoties quis vel non dubitat de malitia actus, ita ut teneatur ad veritatem inquirendam; vel